

ლევან ზ. ურუშაძე

ქაიხოსრო (ქაქუცა) ჩოლოყაშვილის ბიოგრაფიისათვის



2005 წელი მეტად ფასეული იყო ქართული ეროვნული ცნობიერებისა და სულისკვეთების განმტკიცებისათვის, რასაც დიდი მნიშვნელობა აქვს ეროვნული სახელმწიფოებრიობის განვითარებისათვის. მხედველობაში გვაქვს გამოჩენილი ქართველი სამხედრო და სამოგადო მოღვაწის, საქართველოს ეროვნული გმირის, 1921-1924 წლების ეროვნულ-განმათავისუფლებელი მოძრაობის აღიარებული ლიდერის, პოლკოვნიკ ქაიხოსრო (ქაქუცა) ჩოლოყაშვილის (1888-1930) სამშობლოში გადმოსვენება. წინამდებარე ნაშრომში შევეცადეთ წარმოგვეჩინა სახელოვანი მამულიშვილის ბიოგრაფიის ფართო სამოგადოებისათვის უცნობი და ნაკლებადცნობილი დეტალები.

ამისათვის ჩვენ მიერ გამოყენებულია ქართული ემიგრანტული გამოცემების მონაცემები და მთელი რიგი სხვა მასალებისა.

აქვე მიზანშეწონილია გავიხსენოთ ქაქუცა ჩოლოყაშვილის სახელოვანი წინაპრები. ქართულ ისტორიოგრაფიაში დამკვიდრებული მოსაზრების თანახმად, ჩოლოყაშვილები წარმოშობით ხევსურები არიან, მუცოდან. ქაქუცა 1659 წლის ანტიირანული ამბოხების სულისჩამდგმელის, ქართული მართლმადიდებელი ეკლესიის მიერ წმინდანად შერაცხული მამულიშვილის ბიძინა ჩოლოყაშვილის პირდაპირი ჩამომავალი იყო. ამ გვარის სხვა ცნობილი წარმომადგენლები იყვნენ მე-17 საუკუნის ცნობილი დიპლომატი ნიკოლოზ ჩოლოყაშვილი (ნიკიფორე ირბახი), კახეთის სამეფოს (მე-17 ს.) სახლთუხუცესი გარსევან ჩოლოყაშვილი, მე-17 ს. 40-ანი წლების კახეთის სამეფოს სახლთუხუცესი რევაზ ჩოლოყა-



შვილი, ცნობილი პოეტი, "ომანიანი"-ს ავტორი ქაიხოსრო ჩოლოყაშვილი (მე-16 ს. დამლევს – მე-17 ს. დამლევს), ქართლის (1688–1703) და კახეთის (1703–1709) მეფის ერეკლე პირველის თანამეცხედრე – ანა დედოფალი, არაგვის საერისთავოს ფაქტობრივი გამგებელი 1743–1756 წლებში ჯიმშერ ჩოლოყაშვილი და სხვანი.

ჩემთვის განსაკუთრებით ძვირფასია ქაქუცა ჩოლოყაშვილის სახელი, ვინაიდან ბაბუაჩემი – ევგენ (გენო) ღვაღაძე (1900–1937) გახლდათ 1921 წლის კოჯორ-გაბახმელას ბრძოლების აქტიური მონაწილე. 1922–1924 წლებში დამკომის (საქართველოს დამოუკიდებლობის კომიტეტის) რწმუნებული კახეთის მხარეში, 1926–1937 წლებში კი "თეთრი გიორგის კავშირის" კონსპირაციული წევრი საქართველოში. 1937 წელს იგი დახვრიტეს ბოლშევიკებმა. ჩემთვის საამაყოა ისიც, რომ 1990 წელს მქონდა პატივი მონაწილეობა მიმეღო ქ. ჩოლოყაშვილის გადმოსვენების პირველ მცდელობაში, როგორც საინიციატივო ჯგუფის წევრს. სამწუხაროდ, ეს პირველი მცდელობა, რაც აისახა იმდროინდელ ქართულ პრესაში [28], ვერ დასრულდა წარმატებით, თუმცა, საფრანგეთში ჩვენი ერთგვიანი ვიზიტის დროს მომზადდა სრული დოკუმენტაცია, რომელიც აუცილებელი იყო ამ მისიის წარმატებით დაგვირგვინებისათვის. ჩემთვის უბედნიერესი იყო 2005 წელი, როდესაც მთაწმინდის წმინდა მიწამ მიიბარა დიდი მამულიშვილის ნეშტი.

1) ქაქუცა ჩოლოყაშვილი საქართველოს დამოუკიდებლობის აღდგენამდე და მისი სამხედრო კარიერა მეფის რუსეთის არმიაში (1909–1917)

1907 წელს ქაქუცა ჩოლოყაშვილმა დაამთავრა თბილისის ქართული სათავადაზნაურო გიმნაზია, რომელიც ქართველთა შორის წერა-კითხვის გამავრცელებელ საზოგადოებასთან არსებობდა. ამას საგანგებოდ ვუსვამთ ხაზს, ვინაიდან, ქუთაისის სათავადაზნაურო გიმნაზიასთან ერთად, ეს სასწავლებელი ქართული ეროვნული განათლების სისტემის უმთავერეს კერას წარმოადგენდა და გამოირჩეოდა ეროვნული სულისკეთებით. ამ გიმნაზიის დირექტორი გახლდათ იმხანად უკვე სახელგანთქმული მეცნიერი და პედაგოგი ექვთიმე თაყაიშვილი.

ორი წლის შემდეგ, 1909 წელს, 21 წლის ქაქუცა ჩოლოყაშვილი გაიწვიეს მეფის რუსეთის არმიაში. ამით დაიწყო მომავალი ეროვნული გმირის 15-წლიანი სამხედრო მოღვაწეობა. არმიაში გაწვევისთანავე იგი ჩაირიცხა გვერის ცნობილ დრაგუნთა პოლკში, რომელიც იყო რუსეთის იმპერიაში ერთ-ერთი საუკეთესო საკავალერო



რიო შენაერთი. 1912 წელს ქაქუცა დაბრუნდა სამშობლოში. იმ დროს მას მიკუთვნებული ჰქონდა პორუჩიკის სამხედრო წოდება [1].

1913 წელს ქ. ჩოლოყაშვილმა ცოლად შეირთო თავად ილია მელეინეთუხუცესის ასული ნინო. აღსანიშნავია, რომ ილია მელეინეთუხუცესი, რომელიც 1922-1924 წლებში აქტიურად ეხმარებოდა თავის სიძეს და მის შუიციულებს, 1924 წელს ბოლშევიკებმა დახვრიტეს. ქაქუცას ქორწილს მოგვიანებით ასე იგონებდა ნინო მელეინეთუხუცესის ბიძაშვილი, 1921-1924 წლებში ეროვნულ-განმათავისუფლებელი მოძრაობის აქტიური მონაწილის და 1924 წელს ბოლშევიკების მიერ დახვრეტილი თავადის დიმიტრი (ავალო) ავალიშვილის ასული, ქ-ნი ნინო ავალიშვილი: “გაისმა ზურნა-ლუდუკის ხმა, სიმღერა. ყველა მხიარულობდა. ცოგა ხანში ქაქუცამაც, თეთრ ჩოხაში გამოწყობილმა, თეთრი ცხენი შემოაჭენა თავის ძმებთან ერთად. ისე შემოაჭენეს ცხენები, რომ მე შემეშინდა და გირილი დავიწყე. ჩვენი ნათესავი ბიჭი სულხან სულხანიშვილი ჩემი გოლი იყო და მამშვიდებდა – ნუ გირი, შენი ქორწილიც ასე იქნებაო. გაჩაღდა ექება-თამაში. გადმოვიდა ქაქუცა, გამალა ხელები და დაიწყო ექება. ბავშვი ვიყავი, მაგრამ ასეთი მოცეკვავე ილიკო სუხიშვილიც არ იყო. გადაიყვანა ნინო საცეკვაოდ, თეთრ ქათქათა კაბაში გამოწყობილი, მორცხვად თვალვებდახრილი, მშვენიერი, ლამაზი. თავს ქორივით დასტრიალებდა მკლავებგამლილი ქაქუცა... ამ ქორწილის გარდა სხვა მრავალი ქორწილის მომსწრე ვარ, მაგრამ ასეთი სხვა არ მახსოვს” [2]. აქ გვსურს გავიხსენოთ ქართული ემიგრაციის თვალსაჩინო წარმომადგენლის, აწ განსვენებული ჯაბა ხაბუღიანის მონათხრობი, რომელიც მოვისმინეთ 1990 წელს საფრანგეთში, ლევილის მამულში. მან გაიხსენა, რომ ქაქუცა უბადლო მოცეკვავე იყო: გადმოხრუნებულ თეფშზე ცერუ-ლით ისე ეცეკვავდა, რომ თეფში არ იბზარებოდაო.

1914 წლის აგვისტოში, პირველი მსოფლიო ომის დაწყების-თანავე (რისი მიზეზიც, როგორც ცნობილია, გახდა სარაევოში ავსტრო-უნგრეთის საიმპერატორო გახგის მემკვიდრის ფრანც-ფერდინანდ პაბსბურგის მკვლელობა და ე.წ. “ბოსნიის კრიზისი”) პორუჩიკი ქაიხოსრო ჩოლოყაშვილი კვლავ გაიწვიეს არმიაში და 1917 წლის დამლევამდე აქტიურად მონაწილეობდა საომარ მოქმედებებში. თავდაპირველად იგი გაწვეულ იქნა ასეულის მეთაურად ავსტრიის ფრონტზე, ერთ-ერთ საკავალერიო შენაერთში [1 – 3, 5 – 6].

ავსტრიის ფრონტზე თავის გამოჩენისათვის ქაქუცა დაჯილ-დოვდა წმ. გიორგის ჯვრით. 1914 წლის ოქტომბერში იგი დაიჭრა. ამის შემდეგ ქაქუცა გადაიყვანეს კავკასიის ფრონტზე. მცირე ხნის



შემდეგ დაინიშნა საკავალერიო ასეულის მეთაურად. სწორედ ამ დროს თურქეთის არმიამ სამხედრო მინისტრის ენვერ-ფაშას სარდლობით დაიწყო აქტიური მზადება სარიყამიშზე შეტევისათვის. ამის შემდეგ თურქებს დაგეგმილი ჰქონდათ ბათუმის აღება. სარიყამიშის ცნობილი ბრძოლები მიმდინარეობდა 1914 წლის ღებებში. ქაქუცა ჩოლოყაშვილის შენაერთი ირიცხებოდა გენერალ ვასილ გაბაშვილის კორპუსში. სწორედ ამ დროს ჩოლოყაშვილის საკავალერიო ასეულს დაევალა სტრატეგიულად დიდი მნიშვნელობის მქონე სიმაღლის, – “არწივის ბუდის” აღება და დაცვა. მან ეს ბრძანება ბრწყინვალედ შეასრულა. მცირე ხნის შემდეგ თურქებმა განაახლეს იერიშები “არწივის ბუდის” დასაბრუნებლად. ამ დროს ქაქუცა ჩოლოყაშვილი ფეხში დაიჭრა. მიუხედავად ამისა, მან არ დაგოვა პოზიცია და განაგრძო საბრძოლო ოპერაციის ხელმძღვანელობა. ქაქუცა ისევ დაიჭრა, ამჯერად მკერდში. მიუხედავად ამისა, მისმა ასეულმა შეძლო “არწივის ბუდის” შენარჩუნება. თურქები უკუიქცნენ. ამ დროს გამოჩენილი გმირობისათვის ქ. ჩოლოყაშვილი დაჯილდოებულ იქნა მხედრული წარჩინების ერთ-ერთი უმაღლესი ნიშნით, – ოქროს სახელობითი ხმლით [1 – 3]. “არწივის ბუდის” აღებისა და დაცვის შემთხვევებზე ბრწყინვალე ოპერაციასთან დაკავშირებით მეტად ფასეულ ცნობას ვხვდებით მე-20 საუკუნის პირველი მეოთხედის თვალსაჩინო ფრანგი პუბლიცისტის რემონ ღიუგეს შესანიშნავ წიგნში “მოსკოვი და წამებული საქართველო”. კერძოდ, ფრანგი ავტორი აღნიშნავს: “თურქებისათვის სავალალოდ დამთავრებულ სარიყამიშის ბრძოლაში (დაახლოებით 20 000 თურქი დაიღუპა და გაიყინა ამ მაღალმთიან რეგიონში) ჩოლოყაშვილი დაიჭრა. მაგრამ ბრძოლა არ შეუწყვეტია და ის სტრატეგიული პუნქტიც აიღო, რომლის ფლობა განსაზღვრავდა სამხედრო ოპერაციების შემდგომ ბედს. დაჭრილ ჩოლოყაშვილს ბრძოლის ველი არ მიუტოვებია, თუმცა უბრძანეს ჭრილობის შესახვევად საუელე ჰოსპიტალში წასულიყო. მეორედ დაჭრილი, სარიყამიშში გამოიძახეს. ლაზარეთში დაწოლა უბრძანეს. მეთაურს კი უპასუხა “მოვდივარ”-ო, მაგრამ ისევ რამმითან დარჩა. მესამედ დაჭრილს გული შეუწყუბდა. მაშინ კი იძულებული გახდა სამედიცინო დახმარებისათვის მიემართა” [4].

1915 წლის დამდეგს მძიმედ დაჭრილი ჩოლოყაშვილი მოათავსეს თბილისის წმ. ნინოს ჰოსპიტალში. მცირე ხნის შემდეგ გენერალ ნ. ბარათაშვილის ინიციატივით შეიქმნა ქართული ცხენოსანი ლეგიონი. კავალერიის იმხანად უკვე სახელგანთქმული ოფიცერი ქაიხოსრო ჩოლოყაშვილი ლეგიონის შედგენისთანავე მიწვეულ იქნა ათასეულის მეთაურად. 1915 წელსვე ლეგიონი



გაიგზავნა სპარსეთის ურონგზე. აქ ჩოლოყაშვილის ათასეულმა შეასრულა ბრწყინვალე რეიდი მესოპოტამიის უდაბნოში და 1916 წელს შეუერთდა ბრიტანულ არმიას [1, 5]. ამ ოპერაციის წარმატებული ხელმძღვანელობისათვის ქ. ჩოლოყაშვილი დაჯილდოვდა წმ. გიორგის მეორე ჯერით. მცირე ხნის შემდეგ მას მიენიჭა პოდპოლკოვნიკის სამხედრო წოდება.

ასეთი გახლდათ პირველი მსოფლიო ომის ურონგებზე ქაქუცა ჩოლოყაშვილის მიერ განვლილი ბრწყინვალე მხედრული გზა. მას, როგორც მეთაურს, ზედმიწევნით ახასიათებს 1921-1924 წლებში მისი ერთ-ერთი უახლოესი თანამებრძოლის ალექსანდრე სულხანიშვილის სიტყვები: “ქაქუცა ჩოლოყაშვილი იყო განსაზიერება ქართველი რაინდისა ამ სიტყვის სრული მნიშვნელობით. ღინჯი, დარბაისული, და უაღრესად კეთილი გულის ადამიანი. ის ძალიან უყვარდათ ჯარისკაცებს და მათი საერთო პატივისცემით სარგებლობდა კიდევ. როგორი მხდალიც არ უნდა ყოფილიყო ჯარისკაცი, საუკეთესო ვაჟიკად იქცეოდა ქაქუცას ხელში. უდავოდ, მხედრად იყო დაბადებული” [10].

აქვე გვსურს გამოვთქვათ ერთი, ჩვენი აზრით, მეტად რეალისტური ვარაუდი. როგორც ცნობილია, პირველი მსოფლიო ომის დაწყებისთანავე, 1914 წელს, გამოჩენილი ქართველი მამულიშვილების – პროფ. მიხეილ (მიხაკო) წერეთლის, გენ. ლეო კერესელიძის, პროფ. შალვა ვარდიძის, გიორგი მაჩაბლისა და პეტრე სურგულაძის თაოსნობით თურქეთში, სტამბოლში, შეიქმნა “საქართველოს დამოუკიდებლობის კომიტეტი” [7]. უფიქრობთ, ოსმალეთის ურონგზე მყოფი ქაქუცა ჩოლოყაშვილი უთუოდ დაამყარებდა კავშირს აღნიშნულ კომიტეტთან.

1917 წლის შუა ხანებში ქ. ჩოლოყაშვილი დაბრუნდა სამშობლოში და სხვა ქართველ მამულიშვილებთან ერთად აქტიურად ჩაება საქართველოს ეროვნულ-სახელმწიფოებრივი დამოუკიდებლობის აღდგენისათვის ბრძოლაში. აღნიშნულ წელს თბილისში დაფუძნდა საქართველოს ეროვნულ-დემოკრატიული პარტია, რომლის წესდება 1905 წელს შედგენილ იქნა ღიდი ილია ჭავჭავაძის მიერ. მეტად საგულისხმოა ის ფაქტი, რომ კონსტანტინე (კოტე) აფხაზთან, ნიკო ნიკოლაძესთან და სხვა სახელოვან მამულიშვილებთან ერთად ემიგრანტული ქურნალის “სამშობლო” 1937 წლის 21-22 ნომერში (რომელიც ეძღვნება ეროვნულ-დემოკრატიული პარტიის მე-20 წლისთავს) ქაქუცა ჩოლოყაშვილი დასახელებულია აღნიშნული პარტიის ერთ-ერთ დაფუძნებლად [8]. ამასვე ადასტურებს გენერალი გიორგი მაზნიაშვილი [9]. კერძოდ, ეხება რა 1917 წლის ნოემბერ-დეკემბრის მოვლენებს, მაზნიაშვილი



აღნიშნავს: „ჩემი თხოვნით გაიგზავნა ხევსურეთში ეროვნულ-დემოკრატიული პარტიიდან შალვა ქარუმიძე და ქაქუცა ჩოლოყაშვილი. მათ დიდი გავლენა ქონდათ ხევსურეთში. მოკლე ხანში ჩამოიყვანეს ტფილისში ოთხასამდე ხევსური. ისინი მაშინვე დავაბინავეთ სამხედრო სკოლის შენობაში, დავანაწილეთ გუნდებად, დავენიშნეთ საკმაო რაოდენობა ოფიცრებისა“.

ამდენად, ჩვენი აზრით, სიმართლეს არ შეესაბამება ზოგიერთი ავტორის მტკიცება იმის შესახებ, რომ ქაქუცა ჩოლოყაშვილი არც ერთ პარტიას არ ეკუთვნოდა.

## 2) ქაქუცა ჩოლოყაშვილი – საქართველოს დემოკრატიული რესპუბლიკის (1918-1921) თვალსაჩინო მოღვაწე

ჯერ კიდევ 1917 წლის დამლევებიდან სხვა ცნობილ ქართველ სამხედრო მოღვაწეებთან (გენერლები: გიორგი კვინიტაძე, კონსტანტინე (კოტე) აფხაზი, მაქარია მდივანი, მაქარია (შაქრო) ბაქრაძე, გიორგი მაზნიაშვილი, იოსებ გუდევანიშვილი, ვარდენ წულუკიძე, ალექსანდრე ანდრონიკაშვილი, ნესტორ გარდაფხაძე, ილია ოდიშელიძე, ალექსანდრე ჩხეიძე, პოლკოვნიკები: ელიშბარ გულისაშვილი, სვიმონ წერეთელი, სოლომონ შალდასტანიშვილი, დავით (დათა) ვაჩნაძე, ალექსი მაჭავეარიანი და სხვ.) ერთად ქაიხოსრო ჩოლოყაშვილი აქტიურად იღვწოდა ქართული ეროვნული არმიის შესაქმნელად, რაც გედმიწევნით არის ასახული გიორგი მაზნიაშვილის და ვალერიან თევზაძის მოგონებებში [9, 11]. კერძოდ, ქ. ჩოლოყაშვილი იყო ქართული არმიის საკავალერიო შენაერთების შექმნის ერთ-ერთი ორგანიზატორი. მისი ინიციატივით, ამ შენაერთების შევსებისას დიდი ყურადღება ექცეოდათ მთიელებს, მეტწილად – ხევსურებს, რომლებიც ჩინებული მხედრები იყვნენ და გამოირჩეოდნენ განსაკუთრებული ბრძოლისუნარიანობით.

ქაქუცა ჩოლოყაშვილი იყო ერთ-ერთი პირველი ოფიცერი, რომელსაც მიენიჭა საქართველოს დემოკრატიული რესპუბლიკის (1918-1921) არმიის პოლკოვნიკის სამხედრო წოდება.

1918-1921 წლებში იგი იყო ეროვნული არმიის მიერ დამოუკიდებელი საქართველოს დასაცავად ჩაგარებული თითქმის ყველა მნიშვნელოვანი ბრძოლის მონაწილე.

1918 წლის დეკემბერში, სომხეთ-საქართველოს ომის დროს, ქაქუცა ჩოლოყაშვილი სათავეში ედგა საკავალერიო შენაერთს.

აღსანიშნავია, რომ ამ ომში მას ახლდა მისი მეგობარი, ცნობილი ქართველი ფოტოხელოვანი ეასილ როინაშვილი (ქართული ფოტოხელოვნების ფუძემდებლის ალ. როინაშვილის ძმა), რომელმაც



ამ ომის ამსახველი შეტად მდიდარი და საინტერესო ფოტომასალა შექმნა [12].

ერთხანს, 1919 წელს, ქაქუცა ჩოლოყაშვილი ასრულებდა საქართველოს დემოკრატიული რესპუბლიკის სამხედრო მინისტრის მოადგილის მოვალეობას და ეკრიბოდა არმიის საკავალერიო შენაერთებს [5]. მაგრამ ამ პოსტზე მას დიდხანს არ უმუშავია. ამის შემდეგ იგი მეთაურობდა ერთ-ერთ საკავალერიო პოლკს.

1919 წელს ქაქუცა აქტიურად მონაწილეობდა სამხრეთ საქართველოში (სამცხე-ჯავახეთში) შემოსული თურქების წინააღმდეგ ბრძოლებში, 1921 წლის თებერვალში კი – რუსეთ-საქართველოს ომში.

არანაკლებ აქტიურად მონაწილეობდა იგი დამოუკიდებელი საქართველოს პოლიტიკურ ცხოვრებაში. კერძოდ, როგორც ეროვნულ-დემოკრატიული პარტიის წევრი, ჩაბმული იყო 1919 წლის საპარლამენტო არჩევნებისთვის სამზადისში. ამ დროს ისინი მჭიდროდ თანამშრომლობდნენ სოციალ-ფედერალისტებთან. “მახსოვს, ჩვენთან თავს იყრიდნენ სოციალ-ფედერალისტები და ნაციონალ-დემოკრატები. ძალიან ბევრს კამათობდნენ და მსჯელობდნენ. ესენი, რომლებიც მე მახსოვს, იყვნენ თამარ კირვალიძე, თამარ კიკნაძე, მარია გოლოვანოვა, ნინო ბერიშვილი, კაცეხიძე: ქაქუცა ჩოლოყაშვილი, ვახტანგ კოტეგიშვილი, აკაკი პაპავა, იოსელიანი (სახელი არ მახსოვს), ალექსანდრე ასათიანი, მიხეილ აბრამიშვილი და სხვები. მე მაძლევდნენ ბარათებს, რომლებზეც ეწერა: “ხმა მიეცით № 2-ს”. სხვა ბარათებზე ეწერა: “ხმა მიეცით № 5-ს” (№ 2 მიკუთვნებული ჰქონდათ ეროვნულ-დემოკრატებს, ხოლო № 5 – სოციალ-ფედერალისტებს – ლ.უ.). სასწავლებელში რომ მივდიოდი, გზა და გზა ვარიგებდი ამ მოწოდებებს” – ო, იგონებდა ნ. ავალიშვილი [2].

ამდენად, ვფიქრობთ, ყოველივე ზემოთქმული ცხადყოფს ქაქუცა ჩოლოყაშვილის დიდ ღვაწლს საქართველოს დემოკრატიული რესპუბლიკის წინაშე. რომ არა საქართველოს უღმრთო ბედისწერა, ვინ იცის, სახელოვანი მამულიშვილი რამდენ სასახელო უურცელს შემაგებდა დამოუკიდებელი საქართველოს ისტორიას.

### 3) ქაქუცა ჩოლოყაშვილი – 1921-1924 წლების ეროვნულ-განმათავისუფლებელი მოძრაობის ლიდერი

ბოლშევიკური რუსეთის მიერ დამოუკიდებელი საქართველოს ოკუპაციის (1921 წლის თებერვალი) შემდეგ, 1921 წლის 17 მარტს, ბათუმიდან გავიდა იგალიური გემი, რომელზეც იმყოფებოდნენ საქართველოს დემოკრატიული მთავრობისა და პარლამენტის



წევრები. ქაქუცა ჩოლოყაშვილი, რომელიც ბათუმში იმყოფებოდა, არ გაჰყვა გემს და თბილისში დაბრუნდა. სამი თვის მანძილზე იგი ირიცხებოდა იმ საკავალერიო ლეგიონში, რომელსაც საქართველოს ოკუპაციამდე მეთაურობდა. იმავე წლის დამლევს ქაქუცა ჩოლოყაშვილი დაუკავშირდა იაგაქევეშეთში შექმნილი “საქართველოს დამოუკიდებლობის კომიტეტის” (“დამკომი”, იგივე ინტერპარტიული პარტიტეტული კომიტეტი) ხელმძღვანელებს: ილია ჭავჭავაძის დისშვილს – გენერალ კონსტანტინე (კოტე) აფხაზს, იასონ ჯავახიშვილს, ნიკოლოზ (კოლია) ქარცივაძეს და სხვებს. 1922 წლის მარტში ქაქუცა თავის შეფიცულთა რაზმთან ერთად ტყეში გავიდა [1, 13, 14].

აღმოსავლეთ საქართველოს საოლქო სასამართლოს 1925 წლის ივნისის საბრალდებო დასკვნაში “საქმე საქართველოს ანტისაბჭოთა პარტიების პარტიტეტული კომიტეტის შესახებ” მითითებულია, რომ “შეფიცულთა რაზმი” ქაქუცა ჩოლოყაშვილის მეთაურობით შეიქმნა 1922 წლის მარტში საქართველოს ეროვნულ-დემოკრატიული პარტიის ცენტრალური კომიტეტის დავალებით და ამ მიზნით მასთან აღნიშნული პარტიის ხელმძღვანელობიდან უშუალო კავშირი ჰქონდათ დავით ვაჩნაძეს და სიმონ ყიფიანს [14]. იქვე მოგანილია ვახტანგ ნაცვლიშვილის ჩვენება იმის თაობაზე, რომ ქაქუცა ჩოლოყაშვილს პარტიზანული რაზმის შედგენა ცენტრის მიერ დაეალებული ჰქონდა ჯერ კიდევ 1922 წლის იანვარში.

1922 წლის მარტში შეიქმნა პარტიტეტული კომიტეტის სამხედრო ცენტრი გენ. კოტე აფხაზის ხელმძღვანელობით. ცენტრში შედიოდნენ: გენ. ალ. ანდრონიკაშვილი, გენ. ვ. წულუკიძე, პოლკ. გ. ხიმშიაშვილი, პოლკ. რ. მუსხელიშვილი, პოლკ. ქ. ჩოლოყაშვილი და მიხ. ლაშქარაშვილი [15].

სიმონ ყიფიანის ჩვენებით ჩოლოყაშვილის შეფიცულებს და სიღნაღის სამაზრო მილიციას შორის პირველი სერიოზული შეტაკება მოხდა 1922 წლის მარტშივე. მოკლული იყო სამაზრო მილიციის უფროსი და რამდენიმე მილიციელი, რომელნიც ბოლშევიკური პარტიის წევრები იყვნენ [14]. ამრიგად, არ არის მართებული გ. მარაძის მითითება, თითქოს პირველი შეტაკება ქაქუცას შეფიცულებსა და ბოლშევიკებს შორის 1922 წლის ივნისში მოხდა [16]. იქვე გ. მარაძე აღნიშნავს: “პარტიზანული ბრძოლის ხასიათი ქაქუცა ჩოლოყაშვილს აიძულებდა თავისთან დიდი რაზმი არ ჰყოლოდა”-ო. ამ თეაღსაზრისით საინტერესოა რ. დიუგეს წიგნში მოგანილი რამდენიმე ცნობა. კერძოდ, ფრანგი ავტორი მიუთითებს: “სოფელ სიმონიანთკარში განლაგებული იყო წითელი რაზმი,



დაახლოებით 150-300 კაცი და “ჩონის” ნაწილი (“ჩონი” ასე იწოდებოდა – “ჩასტ ოსობოვო ნაშნაჩენია” – ლ.უ.). პოლკოვნიკ ჩოლოყაშვილს ეს ამბავი შეატყობინეს. მან სასწრაფოდ შეარჩია 80 საუკეთესო შეფიცული. მათთან ერთად, დაღამებისას, სოფელში ჩაეიდა”. ამის შემდეგ შეფიცულებმა აიღეს აღნიშნული სოფელი.

უკანა გზაზე, დუშეთთან, მათ წითელარმიელებთან შეტაკების შედეგად გყვეობიდან გაათავისუფლეს რამდენიმე ასეული მძევალი [4]. იქვე რ. დიუგე აღნიშნავს: “ერთხელ შეფიცულების უფროსი კახეთიდან სხვა პროვინციაში აპირებდა წასულას. იქ მისი ყოფნა აუცილებელი იყო. მას უნდა გაეეღო ტერიტორია, რომელიც ბოლშევიკთა რაზმებს ეჭირათ. ჩოლოყაშვილს 100 შეფიცული ახლდა”. დიდად მნიშვნელოვანია ის გარემოება, რომ იმხანად დიუგე საქართველოში იმყოფებოდა და დიდი რისკის ფასად უშუალოდ იყო დაკავშირებული ეროვნულ-განმათავისუფლებელი მოძრაობის არაერთ წარმომადგენელთან, მათ შორის ქაქუცა ჩოლოყაშვილთან.

1922 წლის აგვისტოში მოხდა ხევსურეთის ამბოხება, რომელსაც სათავეში ედგა ქაქუცა ჩოლოყაშვილი. სამწუხაროდ, შეუთანხმებელი მოქმედების გამო, რაც უმეტეს წილად განპირობებული იყო სოციალ-დემოკრატიის გაუაზრებელი მოქმედებით, ამბოხება მარცხით დასრულდა [4, 13, 15].

ქართველმა პოლიტიკოსებმა, სოციალ-დემოკრატმა ვ. ჩუბინიძემ მოგვიანებით თავის მოგონებებში აღწერა 1922 წლის 18 სექტემბერს ქაქუცასთან შეხვედრა ხევსურეთის სამღვარზე, სოფ. მაღაროსკარში. მიუთითებდა რა ხევსურეთის ამბოხების მარცხზე, შეფიცულთა მეთაურმა ჩუბინიძეს უთხრა, რომ ხევსურეთში საქმიანობდა გამცემი – კომისარი ყიფიანი. გარდა ამისა, წითელარმიელებთან შეტაკებისას დაიღუპა შეფიცულთა რაზმის მეკავშირე მ. ფაველენიშვილი, რის გამოც გარკვეული ხნით გაწყდა კავშირი სამხედრო ცენტრთან [13]. ფაველენიშვილს ჩეკისტებმა აღმოუჩინეს დაშიფრული წერილი ჩოლოყაშვილისადმი, რომელსაც ხელს აწერდა “სამფერი” (დავით ვაჩნაძე). წერილში დაუფიქსირებულია, რომ საქართველოს დემოკრატიული რესპუბლიკის დევნილი მთავრობა აჯანყების შემთხვევაში იარაღით და ფულით დახმარებას პირდებოდა დამოუკიდებლობის კომიტეტს და სამხედრო ცენტრს [14]. სამწუხაროდ, ეს იყო სოციალ-დემოკრატიის კიდევ ერთი დიდი სიცრუე, კიდევ ერთი ღალატი, რამაც, საბოლოო ჯამში, უდიდესი ვაება დაატეხა თავს ისედაც წელში გაწყვეტილ საქართველოს და გამოიწვია ეროვნულ-განმათავისუფლებელი მოძრაობის პარალიზება. ამას ბედშიწეუნით ადასტურებს გიორგი მაზნიაშვილი თავის



მოგონებებში. ამ საკითხს მოგვიანებით შევეხებით, როდესაც საუბარი გვექნება 1924 წლის ამბოხებაზე და მის შედეგებზე.

ხევსურეთის ამბოხება ზედმიწევნით აქვს აღწერილი ერთ-ერთ შეფიცულს ელიზბარ მაყაშვილს [17].

1922 წლის სექტემბრის დამლევს ქაქუცა ჩოლოყაშვილი და შეფიცულთა რაზმი იძულებულნი გახდნენ ჩეჩნეთში გადასულიყვნენ [1].

მრავლისმეტყველია შალვა ამირეჯიბის სიტყვები, რომლებიც ზედმიწევნით ცხადყოფს ქართველ მენშევიკთა ბრახვებს: “ქაქუცასაგან სოფლებში დაწყებული მოძრაობა თანდათან ვითარდებოდა და მას აჰყვა დიდძალი გლეხობა. სამხედრო ცენტრი (რომელსაც სათავეში ედგა გენ. კოტე აფხაში – ლ.უ.) თავგამოდებით მუშაობდა. ამიგომ, როცა 1922 წლის აგვისტოში ეგრედ წოდებული “ხევსურეთის აჯანყება” მოხდა, მენშევიკურმა პარტიამ ხალხში ფურცლები დაარიგა, რომლითაც მოუწოდებდა მას არ გაჰყოლოდა თავად-აზნაურთა წარმომადგენელს და კონტრრევოლუციონერ ჩოლოყაშვილს. ამან მართლა დაშალა ხალხი, რომელიც ჩოლოყაშვილის მისამშველებლად იყო გამზადებული და, ამრიგად, ჩაიშალა პირველი აჯანყების საქმე. ამას მოჰყვა თვით სამხედრო ცენტრის დატოვება, ხოლო მოგი ფიქრობდა, რომ გაცემაც. ასე დასრულდა 1922 წელი. 1923 წლის პირველ თვეებში საქართველოში დაბრუნდა ნ. ხომერიკი, რომელიც სტამბულიდან დაუფარავი მისიით წამოვიდა, რომ რაღაც უნდა დასჯდომოდა ქ. ჩოლოყაშვილის მიერ შექმნილი მოძრაობის ლიკვიდაცია მოეხდინა. მიზეზი იყო ქაქუცას დიდი სახელი ხალხში” [21].

მიუხედავად შემოთქმულისა, ხევსურეთის ამბოხებამ დიდი გარალი მიაყენა ბოლშევიკებს. 6000-იანმა წითელმა რაზმმა, რომელიც ხევსურეთში გაიგზავნა ამბოხების ჩასახშობად, მნიშვნელოვანი მარცხი განიცადა. ამის შემდეგ გაგზავნილმა სადამსჯელო ექსპედიციამ ხევსურთა ხუთი სოფელი ააწიოკა. არ დაინდეს ამბოხების მეთაურის მშობლიური კახეთიც. ყოველივე ამის შესახებ მოთხრობილია რ. დიუგეს წიგნშიც [4]. “ქაქუცას თავდადებული რაზმელები რამდენიმე ხევსურ შვილებთან ერთად განზრახ გაფანტულნი ეძებდნენ ტყე-ღრეში სამშვიდობოს გამაჟალ ბილიკებს. გაოხრდა ხევსურეთი უხეში მგრის ხელით. შემოსეული რუსები შეუბრალებლად ქლევდნენ შემხვედრ ქალს თუ კაცს, მოხუცს თუ ჭაბუკს. ეცეხლს უკიდებდნენ ყუმბარებისაგან გადარჩენილ სახლებს და ბინებს. დაბლობისაკენ ერეკებოდნენ გაგაცეხულ პირუტყვს” – მიუთითებს ელიზბარ მაყაშვილი [17].

ნ. ავალიშვილის მოგონებაში აღწერილია ჩეკისტების მიერ მისი ძმის დავით ავალიშვილის დაკავება და შემდეგ თელავის ციხიდან



ად უკახახტქოსი გაქცევა იგი ახლოსაა ციხის ერთ ბნელ საკანში მკვდრით. ორი დღე გაეგარება მას ამ საკანში, რომელიც გადებით იყო საცეს. ორი დღის შიშველობაში ატეხილა სამიხელი ხროდა და ადრდავრმა და აქვდომილის მოქცეობა გაქცევა. მხოლოდ მათივე ცხოვრება და რა წესად იყო იმ საკანში, სხვა იყო და წესად იყო. ამისთვის მათივე კი ხეცვრები ახოხორცის ჩეცისა და

აქედან აქვდომილი მსხვერპლს მეორე სამარულ ფაქტს, რომელიც იქვე მოხდა. აქედან მოგანილი ელიზბარ მაყამილისა [27] იმ დროს თელავის ციხის უკანა იყო ჩეცისა, კოლა და ჯაფარიძე, რომელთაც ხსენებული არქეოლოგის დროს მისივე ალექსანდრე ჯორჯაძე, რომელიც ზღაპრების მოხატა მას ჯაფარიძისთვის უბოძა. მათივე გათავისუფლება, რომელიც ხეცურეთის ამისთვის სხვა მათ აწილებითა ერთად იქვე იდგა ხელმეორეული ჯაფარიძე ებრძოდა მას, როგორც კომკაუშირულს, რომ საკუთარი ხელით დაეხრებოდა მამამისი ამის პასუხად ჯორჯაძემ რევოლვერი ესროლა ჯაფარიძეს, რომელიც სასიკვდილოდ დაიჭრა ჩეცისგებმა ალექსანდრე ჯორჯაძე მამამისთან და სხვა გესაღებთან ერთად ხმლებით აქეწეს.

1923 წელს გამცემლობის შედეგად ჩეცისგებმა შემდეგ ლაქომის სამხედრო ცენტრის ხელმძღვანელის გენ კოგე აფხაზის და ცენტრის სხვა 14 წევრის (ეწელეკიძე, გ. ხიმშიაშვილი, რ. მესხელიშვილი, ალ. ანდრონიკაშვილი, მ. ზანდუკელი, ს. ბავრაგიონ-მეხრახელი, უ. ყარაღამიშვილი, ი. კერესელიძე, ივ. ქუთათელაძე, ს. ჭიაბრიშვილი, ალ. მაჭავარიანი, ე. გელისაშვილი, ლ. კლიშიაშვილი, დ. ჩრდილელი) დაჰაგიმრება იმავე წლის 20 მაისს ისინი დახვრიტეს [4, 8]. ეს ედიდესი ღარცმა იყო ეროვნულ-განმათავისუფლებელი მოძრაობისათვის სამხედრო ცენტრი 1923 წლის თებერვალში გასცა ეროვნულ-დემოკრატიული პარტიის წევრმა კ. მისაბიშვილმა, რომელიც მცირე ხნის შემდეგ მოკლულ იქნა [14].

მანამდე, ხეცურეთის ამბოხების გამო ჩეკა-ს მიერ დახვრეტილი იყვნენ როგმისგრი ს. ანდრონიკაშვილი, ლეიგენანგი სუმბათაშვილი და მისი ძმა, ლეიგენანგი კ. ჩოლოყაშვილი, ლეიგენანგი არჩ. ვაჩნაძე, აგრონომი ვახტ. აბაშიძე და სოციალ-დემოკრატი ს. გელაშვილი [15].

ქართველ იუნკერთა კავშირის ჟურნალის "მხედარი" 1929 წლის ერთ-ერთ ნომერში "ალ. ხ-ლი"-ს ფსევდონიმით გამოქვეყნდა წერილი "იუნკერის მოგონებები", რომელშიც მოთხრობილია გენ. კოგე აფხაზისა და სამხედრო ცენტრის სხვა წევრების ცხოვრების



ბოლო დღეები “დასუსტებული ნაბიჯით ნელა მიედითი დერეფანში და ეიყვრებოდი ნევნებისკენ, სველიანად გაიღიმა კოტე აფხაშა და შედომსახედრა გამამხნევებელი თვალები მისი ტუჩები ჩერხულით მოძრაობდნენ ჩამაფალი მშის სხივით განათებული და სულის შინაგანი სიმტკიცით გასხივოსნებული სახე აძლევდა მას მოციქულის შეხედულებას მოწაფეთა შორის ევლარ ეიკალებდი მის უსტებელი გრძი ბეზს და მასდოდა მივეარღნილიყავი მასთან, “ბაგონი კოტე ბაგონი” ნერვიულად წამოვიძახე, მაგრამ მეთვალყურემ მკრა ხელი და დაიღრიალა “გაიარე, ჩქარა, ნუ ლაპარაკობ შინ” უკანასკნელად გაღაცხელე მათ აღელვებულ სახეებს. “ყოჩაღად იყავი შვილო” გადმოიმსგლო სიტყვა კოტე აფხაშმა” – აღნიშნავს მოგონების ავტორი [18]

1924 წლის ამბოხებაზე საკმაოდ ბევრი დაიწერა ამიგომ, ქვემოთ შევეხებით, სვენი აზრით, განსა კუთრებით საყურადღებო მომენტებს

1924 წლის ძაი ში საზღვარგარეთი დას თბილისში ჩამოვიდეს იოციალ-დემოკრატები ე სოლია, ე ჯუღელი, ბ ჩხიკვიშვილი, ე მეგელაძე, ცინცაძე და ცენგერაძე მათ ჩამოიგანეს ინფორმაცია, რომ “საერთაშორისო მდგომარეობა ხელს უწყობს აჯანყების დაწყებას” თუ აჯანყება დამარცხდებოდა, მოძრაობა გაგრძელდებოდა პროვინციებში ამასობაში პარიზში მყოფი გაერთიანებული კენგრი შეძლებდა მეგობრულად განწყობილ სახელმწიფოებთან დიპლომატიური მოლაპარაკებების წარმოებას, რათა ეს ქვეყნები ჩარეულიყვნენ საქარ თველოს საკითხის გადაწყვეტაში [15].

როგორც მოვლენათა შემდგომმა მსვლელობამ ცხადჰყო, ეს იყო სოციალ-დემოკრატთა მორიგი, ღალატის გოლფასი, დიდი სიცრუე

საბოლოოდ, 1924 წლის 24 აგვისტოს, დამკომის სხდომაზე გადაწყდა საერთო ამბოხების დაწყება აღნიშნული წლის 29 აგვისტოს, დღის 2 საათზე ამასთან, გადაწყდა მთავარი შტაბის გადაგანა ქაქუცა ჩოლოყაშვილის ბანაკში, თბილისში საქმიანობას გააგრძელებდა დამკომის თბილისის განყოფილება 25 აგვისტოს ქაქუცა ჩოლოყაშვილის ბანაკში გადავიდნენ კონსტანტინე ანდრონიკაშვილი (დამკომის თავმჯდომარე), იასონ ჯაფახიშვილი (თავმჯდომარის მოადგილე), შალვა ამირეჯიბი, დავით ონიაშვილი, ა. წულაძე და მთავარსარდალი გენერალი სპირიდონ ჭავჭავაძე [15].

სოციალ-დემოკრატთა უთავბოლო პოლიტიკამ განაპირობა ის, რომ ჭიათურაში ამბოხება დაიწყო 24 საათით ადრე, – 1924 წლის 28 აგვისტოს. “ჭიათურაში 24 საათით ადრე გამოსულამ დრო და ინიციატივა მოქმედებისა “ჩეკას” და ხელისუფლებას



გადასცა" – მიეთითებდა სოლომონ ზალდასტანიშვილი [15]. მიუხედავად ამისა, თავუჯანწირულად მოქმედებდნენ ქაქუცა ჩოლოყაშვილი და მისი შეუიყულები რაზმი მათ ბრძოლებით აიღეს ღებოთი, მესო-კახეთი, ყარაიანი და ბორჩალო.

საუბედროოდ, მოძრაობა განწირული იყო ამბოხების დამარცხების მიზნებზე საუბრისას გენ გიორგი მაშნიაშვილი ძიუთითებს, რომ მის უკუიხვამ, თუ სად და როგორ დაიგეგმა აჯანყების საკითხი, ნ კორდანიამ და მისი მთავრობის სოციალ-დემოკრატიკა წკერებზე ემაჯებს, რომ "აჯანყების შესახებ მათ მხოლოდ ახლა გაიგეს, რომ პარიტეტული კომიტეტისთვის არაერთი ფული არ გაუგზავნიან და რომ მედამ უთვლიდნენ აჯანყება არ ძიადილთ, რადგან არიადან არაა იმედი რაიმე დახმარებისა" [9] არადა, 1924 წლის მაისში პარიზიდან თბილისში ჩაოსელი ვ ნილია, ვ კუდელი, ბ ჩხიკვიშვილი, ვ მეკლადე და სხვანი სწორედ ღენილი მთავრობის სახელით მოქმედებდნენ.

„მემდგომში, ჯერ ჩხიკვიშვილისა და შემდეგ ვ კუდელის დაჯიშრებას და ამ უკანასკნელის წერ ილმა, რომელიც გუილისის ვამეთებში დაიბეჭდა, საბოლოოდ დაგვარწმენა, რომ საქართველოს პარიტეტული კომიტეტი აჯანყებას არ მოაწყობდა, თუ მას არ ექნებოდა ლოცვა-კურთხევა პარიშელი ღიდერებისაგან" ო, აღნიშნავდა გიორგი მაშნიაშვილი [9]. იქვე იგი იხსენებს საუბარს გენერალ სპირიდონ ჭავჭავაძესთან. " ჩემს შეკითხვაზე, რისი იმედი ჰქონდა, როდესა, სათავეში უდგებოდა ასეთ საპასუხისმგებლო საქმესა ჭავჭავაძემ მიპასუხარომ ის დაიბარა კ ნდრონიკაშვილმა (სოციალ-დემოკრატიკა, დამკომის თავმჯდომარემ - ლ ე) და წინადადება მისცა ეკისრა აჯანყებულთა დროებითი უფროსობა და დაუმატა, რომ რიშესა და ხოფას შეა დგანან იარაღით და სურსათით და ღუასტით დაგვირთული გემები გენერალ მაშნიაშვილის და ნ რამიშვილის მეთაურობით, რომლებიც ელიან მხოლოდ იმას, რომ ჩვენ დაეიჭერთ შღვის სანაპიროებს მაშინ ისინი ჩაუდგებიან სათავეში აჯანყებულებს და თვითონ იციან, რასაც გააკეთებენ" – ო. სამწუხაროდ, ილიას მკვლელებისაგან ამგვარი საქციელი სწორედაც რომ მოსალოდნელი იყო.

ამდენად, სავსებით ნათელია, რომ სოციალ-დემოკრატთა დანაშაულებრივი მოქმედების წყალობით განწირული იყო ქაქუცა ჩოლოყაშვილის და მისი შეუიყულები რაზმის, კოგე აფხაზისა და მისი სამხედრო ცენტრის, ეროვნული სულისკვეთებით ანთებული ქართველობის თავგანწირვა.

ყოველივე ამის ფონზე დაციწეას უფრო ჰგავდა საქართველოს დემოკრატიული რესპუბლიკის ღენილი მთავრობის 1924 წლის



6 სექტემბრის მემორანდუმი ერთა ლიგისადმი, რომელიც ახე მოავრდება " ვიხიოეთ ერთა ლიგას, რომლის დანიშნულებაცაა საერთაშორისო კონფლიქტების მოგვარება და სისხლიანი პრისონების შექცევა, ჩაერიოს ამ საქმეში და წახალადება მისცეს 'სოსკოვის მთავრობას, რომ შეახერხოს სამხედრო მოქმედება საქარი კედი ს წახალადლე, ხოლო კონფლიქტის მოგვარება გადაეცეს საერთაშორისო სამედიაციორო სასამართლოს" [19] დემორანდუმს ხელს აწერს ნ. ჟორდანიია

საესებით სამართლიანად აღნიშნაჲდა შალვა ამირეჯიბი: „დკშკვიშის სამთისათვის ყველაშედ დიდი საფრთხე ის იყო, რომ საქართველოს სამეფოს რესტაურაციის აზრს არ მოეკიდა ფეხი. მას აწისებდა ყოველი ქართველი ნაციონალისტის სახელი. მით უმეტეს ამინკდა მას სამხედრო ცენტრის მნიშვნელობა და კერძოდ ქ ჩოლოყაშვილის სახელი ამამედ იყო აშენებული სოციალ-დემოკრატიული კონკურენცია ქართული ცხოვრების ამ ახალ იდეასა და ძალებთან ამიგომ იყო, აგრეთვე, რომ მათ ასე სიჩქარით შემოიყვანეს საქართველოში ჩხიკვიშვილი და ჯუღელი მათ სერდათ ჩოლოყაშვილის სახელი, ხალხის თვალში ამ ხალხის სახელით გაექარწყლებინათ მაგრამ შეცდნენ მართლები ვიყავით ჩვენ რომლებიც მათ შემოყვანას სიფრთხილისათვის დროს ვუხიშნავდით“ [21]

„რაც ჩვენ საქართველოში ვნახეთ და გავიგონეთ, არაერთარ ეჭვს არ იწვევს, რომ 1924 წელს, ზაფხულში მომხდარი აჯახყება იყო უმთავრესად ეროვნული მოძრაობა და, როგორც ასეთი, არა მარტო საბჭოური სისტემის, არამედ სწორედ რომ მოსკოვეური რუსეთის წინააღმდეგ მიმართული სხეადასხვა მხრიდან ახლა ცდილობენ მომხდარი ამბავი ცუდად წარმოადგინონ მაგრამ ძნელი არ არის ყველა ეს გენდენციური ცნობა უარყოთ“ – აღნიშნაჲდა ცნობილი გერმანელი მეცნიერი, პროფესორი ერის თბსგი, რომელიც 1924 წელს საქართველოში იმყოფებოდა [20]

ამბოხების და ქართველთა თავგანწირვის ამგვარი ობიექტური შეუასება დამსახურება იყო სწორედ ქაქუცა ჩოლოყაშვილის და მისი ღირსეული თანამებრძოლებისა, რომელთა სანუკეარ ოცნებას დამყრობთა მარწ ყებისაგან სამშობლოს დახსნა შეადგენდა

ამაღელვებლად გადმოგვეცეს ქაქუცა ჩოლოყაშვილისა და მის მეფიყულთა ემიგრაციაში გახიზვნას ერთ-ერთი შეფიცული ელიზბარ მაყაშვილი. „ბელადმა, ქაიხოსრო ჩოლოყაშვილმა შეაგროვა თავისი რაზმელები და გააცნო მათ „დამკომის“ დადგენილება – უნდა დავცოეთ, ძმებო, საქართველო, ჩვენი აქ ყოფნით დაიდურება უდანაშაულო სისხლი მცხოვრებთა ათასობით



ლაგვეყვებულხი მძევლებად არიან გამოცხადებულნი, გამოსწყვედეულს საპატიმროებში ენდა დავგოვოთ ჩვენი მიწა-წყალი მტკრიათ ბრძოლა არ გათავებულა ვიმედოვნებ, კელაჲ ღაუებრუხლებით ჩვენს მიწა-წყალს და საერისო ყიყინით ვეკეთებით მტერს, მოვიპოვებთ სამუდამო გამარჯვებას და ავაფრიადებთ ქართულ სამოქროვან დროშას! – დაასრულა სიტყვა ბელადმა დაიწყო წახელისაი ვის მბაღება“ [17] სამწყხაროდ, ამ ოცნებას აღსრულება არ ეწერა

#### 4) ქაქუცა ჩოლოყაშვილი - პოლიტიკური ემიგრანტი (1924-1930)

უაღრესად გულდამძიმებულებმა და ქართველთა გრაგუდით შეძრულებმა დახტოვსა სა'სმოზლო ქაქუცა ჩოლოყაშვილმა და მისმა მეუღლეებმა ელიზბარ ვაჩნაძემ, რაფიელ (რაფო) კრისოიძე, ალექსანდრე (სამა) სულხანიშვილმა, სერგო მაისურაძემ, ალექსანდრე ბაღურაშვილმა, ილია ქარუმიძემ, ალექსანდრე ცხველაძემ, გოლა პავლიაშვილმა, მერაბ ჯორჯაძემ, შალვა ნებიერიძემ, ლელო ჩიქოვანმა, მიხეილ (მიშა) ღაშქარაშვილმა, დავით რევაშიშვილმა, გაბო ბერბიჭაშვილმა, ვასო მარჯანიშვილმა, ალექსი ფეიჭრიშვილმა, სიკო ალიმბარაშვილმა, შალვა ჯავრიშვილმა, ლევან ჯავრიშვილმა, ელიზბარ მაყაშვილმა, ჯონჯი დადიანმა, სარდიონ კუჭავამ, თომა ბეჭაერმა და ალექსანდრე კარგარეთელმა, აგრეთვე, გეხერალმა სპირიდონ ჭავჭავაძემ და შალვა ამირეჯიბმა [22]. 1924 წლის სექტემბერში ისინი გადავიდნენ თურქეთის სასაზღვრო სოფელ ბურმანაში. თურქეთში მათ ერთი თვის მანძილზე მასპინძლობდნენ იქაური ქართველები, ქაქუცა ჩოლოყაშვილის მეგობრები – ბეგი ზიმშიაშვილი და აბდი-ბეგ აბაშიძე [22]

მრავლისმეგყველია ის ფაქტი, რომ ქაქუცა ჩოლოყაშვილს და მის მეუღლეებს სოციალ-დემოკრატებმა გამოუხურეს ლევილის მამულის კარი ვისაიდან მეუღლეებს და მათ ლიდერს არ სურდათ დაესაქსვა, მათ დაიწყეს შესაბამისი სახლის ძებნა. პარიზის მახლობლად, ვიროფლეში დაიქირავეს სახლი, სადაც ერთად ცხოვრობდნენ ქაქუცას გარდაცვალებამდე [22] მეუღლეულთა დიდმა ნაწილმა მეშაობა დაიწყო ოდენკურში, "პეეო"-ს სააეგომობილო ქარხანაში.

ქაქუცა ჩოლოყაშვილი აქტიურად იყო ჩაბმული ქართული პოლიტიკური ემიგრაციის ცხოვრებაში ძირითადად ურთიერთობა პქონდა ეროვნულ-დემოკრატიული პარტიის საზღვარგარეთულ ბიუროსთან და 1924 წელს ემიგრანტების მიერ შექმნილი ეროვნული



პოლიტიკური ორგანიზაციის – “თეთრი გიორგის კავშირის” მესვეურებთან, აგრეთვე, სოციალ-დემოკრატიული პარტიის წარმომადგენლებთან იგი აქტიურად მონაწილეობდა 26 მაისისადმი მიძღვნილ ყოველწლიურ დღესასწაულებში [17]. ამათან, მედმევად მფარველობდა მეოცეულებს მიუხედავად ამისა, სახელოვან მამულიშვილს სულს უხუთავდა ნოსტალგია.

– აქ უკვე ქაქუცას ჩხვა, უცხო სახეს შევხვდი პარიზში თითქოს მეზობელ საქართველოს ბელადს ბრძოლის ასპარეზი გამოაცალეს, ოცნება წაართვეს. და ახლა ფრთებმოტეხილ არწივს, ცეცხლს ღვინო უწვლებდა და სიმღერა – მორეულ ცრემლს უშრობდა

– გახსოვს, თამარ, ალავერდობა? – მეუბნებოდა ის პარიზში, ჩვენი სევდიანი ნადიმების დროს, დაბალი, მთრთოლვარე ხმით

– გახსოვს, თამარ, 26 მაისი? ის პირველი 26 მაისი?

– გახსოვს, თამარ, შუამთის დღესასწაული?

– გახსოვს, თამარ, ხაგობა და ჩემი გაჭრა ტყეში?

– ხომ გახსოვს ჩვენი ცა რა ფერისაა? რამდენი ვარსკვლავებია? რამდენჯერ მითვლია ისინი ტყეში, მიწაზე რომ ვიწეჭი და ძილი ვერ მერეოდა

– გახსოვს, თამარ, ჩვენი საქართველო? კარგად გახსოვს?

კრულიც იყოს აქ სიცოცხლე! იქ სიკვდილი განა ბედნიერება არ არის, თამარ? “ იგონებდა ქართული პოლიტიკური ემიგრაციის თვალსაჩინო მოღვაწე თამარ პაპავა [23].

ქაქუცა ჩოლოყაშვილის მრწამსი კარგად ჩანს ე. ჩუბინიძისადმი მიწერილ მის ერთ წერილში “ შენ კარგო ქართველო, შენ თუ სოციალისტი ხარ, ქართველად არ ვარგისხარ თუ რა არის? შენ თუ, როგორც სოციალისტი ქართველობაზე უარს იტყვი, მეც ყველა ქართველ სოციალისტზე უარს ვიტყვი ჩემთვის საღი და დაკვირვებულნი წერილი ძვირფასია, რომელიც იცავს ჩვენი სამშობლოს ინტერესებს და ვისგან არის დაწერილი, რა მიმდინარეობის მომხრეც გინდა იყოს, მაინც ბოლოს ქართველია, კომუნისტების გარდა აბა, ჩემო ვალიკო-ბეი, მაგაზე შენ არასდროს არ იფიქრო, რომ ყველა სოციალისტი მძულს და იმისათვის პასუხი არ მოგაწოდებ აქამდის მე ვინცა მძულს, ამკარად აღარც ველაპარაკები და აღარც არაფერი კავშირი მაქვს, ის შემარცხენა თუ შემარჯვენე” –ო, აღნიშნავდა წერილში ქაქუცა [13].

პირველი მსოფლიო ომის ფრონტზე და 1923 წელს მიღებული ჭრილობებმა, ღრმა ნოსტალგიამ, პარიზის ჰავამ და ყოველივე ამაზე ღართულმა ფილგეების სისუსტემ ღიდალ შეარყია ქაქუცა



ჩოლოყაშვილის ჯანმრთელობა. ალ. სულხანიშვილის მითითებით, იგი ოსტაჟაში, სანატორიუმში გაგზავნეს სამკურნალოდ [10].

სამწუხაროდ, ყველანაირი მცდელობა ამო აღმოჩნდა: 1930 წლის 27 ივნისს ქაქუცა ჩოლოყაშვილი, 42 წლის ასაკში, გარდაიცვალა. მან ექიმ ვახტანგ ღამბაშიძისა და ალ. სულხანიშვილის ხელში დალია სული [10]. გარდაცვალებამდე მოასწრო სიტყვიერი ანდერძის დატოვება, რომ მისი ნეშტი გადაესვენებიათ დამოუკიდებელ საქართველოში.

თავმარდამეცი იყო ქაქუცა ჩოლოყაშვილის გარდაცვალება მთელი ქართული და საერთოკავკასიური პოლიტიკური ემიგრაციისათვის.

ქაქუცას ხსოვნას მიეძღვნა ეროვნულ-დემოკრატიული პარტიის ჟურნალის “სამშობლო” 1930 წლის მე-8 ნომერი [24].

ნეკროლოგები გამოქვეყნდა თითქმის ყველა ქართულ ემიგრანტულ გამოცემაში, აგრეთვე, ფრანგულ და ინგლისურ პერიოდიკაში. მოგვიანებით მალვა ამირეჯიბი იხსენებდა იმის შესახებ, რომ ნეკროლოგი გამოაქვეყნა ცნობილმა ინგლისურმა გამოცემამ “ტაიმსი”. იგი იუწყებოდა, რომ “შამილის შემდეგ კავკასიაში არ ყოფილა კაცი უფრო პოპულარული, ვიდრე ჩოლოყაშვილი” [21].

ჟურნალის “დამოუკიდებელი საქართველო” 1930 წლის აგვისტოს ნომერში გამოქვეყნდა ხარბინის ქართველთა ურთიერთშორის დამხმარე სამოგადოების წერილი “ქაქუცა ჩოლოყაშვილის გარდაცვალების გამო”, რომელშიც ვკითხულობთ: “აღტყინებული, სამშობლოსადმი უსაზღვრო სიყვარულით, ის ვერ ურიგდება წითელ მგარვალთა ძალადობას და მის ბრძოლის ყიეინას უერთდებიან სამშობლოს ერთგულნი შვილნი. არაერთჯერ და ორჯერ სმენია მორეული აღმოსავლეთის ქართველობას მისი განთქმული ბრძოლის ამბები. რა სიამით ივსებოდა მაშინ ჩვენი გული და გამოუთქმელი სიხარულით შევეყრებდით მომავალს. მაგრამ ახლა?

აღარ გეყავს ჩვენი ქაქუცა, მგრის თავმარდამეცი. უცხო მხარეს გაუთხარეს მას საფლავი და რაინდმა თან ჩაიგანა მგრის სიძულვილი, სამშობლოსადმი სიყვარული და ერთი მუჭა მშობელი მიწისა” [25].

ჟურნალის “სამშობლო” რედაქციამ მიიღო სამძიმრის ღებეშები საფრანგეთის ყოფილი პრემიერ-მინისტრის ერიოსაგან, გენერალ გუროსგან, მარკიზ დე-ბაისგან, ინგლისის თემთა პალატის წევრის ალლენისგან, მინისტრ ლუი მორენისგან, უკრაინის, თურქესტანის, აზერბაიჯანის, პოლონეთის ემიგრანტული მთავრობებისგან [24].



ეროვნული გმირი დაკრძალეს სენგ-უანის სასაფლაოზე, საიდანაც 1970-იან წლებში გადაასვენეს ლევილის ქართველთა სასაფლაოზე. და აი, 75 წლის შემდეგ, 2005 წელს, ეროვნული გმირის ნეშტი მთაწმინდამ მიიბარა. მთელმა საქართველომ დაიტირა ქაქუცა ჩოლოყაშვილი, რომლის სახელიც გაბუდადებული იყო ავადსახსენებელი კომუნისტური რეჟიმის დროს.

გვსურს წინამდებარე ნაშრომი დავასრულოთ ქაქუცა ჩოლოყაშვილის შეფიცულთა რაზმის ერთ-ერთი ყველაზე აქტიური წევრის, ბოლშევიკების მიერ 1925 წლის იანვარში მხეცურად მოკლული ფშაველი პოეტის მიხა ხელაშვილის (1900-1925) ლექსით [26]:

ჯერ ისევ არის მაფხული, არ დათოელილან მთანია,  
ფშავე-ხევსურეთის კლდეებსა შავნივა ქქონდა ფხანია,  
მიგ ვცხოვრობთ ფშაენი-ხევსურნი, სალი კლდის შვილნი  
– ძმანია,

უნდა მივიღოთ ამბავი დროების მონაგანია,  
ქაქუცა ჩოლოყაშვილი მოქროლავს როგორც ქარია,  
თან ახლავს ქართლის შვილები – თითო ლომისა დარია.  
ბინას დასდებენ ფშავშია, სადაც მალაროს კარია,  
ქალაქით მოჰყვა ლამქარი, რომელიც მუხლით მაღია,  
პურის ჭამამე ნასხდომებს დაგეხვიეს თოფის ალია,  
პაი გიდი, ჩოლოყაშვილო, გულად გღებია გაღია,  
პატარა რაზმის უფროსო, ხარ მარდი კამანდარია,  
მკედარი მიჰყარე მკედარმედა, რო თივის საბანდარია,  
ფშაულებს გადაეც ნადავლი იმათგან ანაყარია,  
სიკვდილზე ნუ დაფიქრდები, ყველა იქ მიმავალია,  
იქ დაგხვდებიან ქართველნი, ვინც სამშობლოსთვის  
მკედარია.

### გამოყენებული ლიტერატურა:

1. შ. ამირეჯიბი. "ქაიხოსრო – ქაქუცა ჩოლოყაშვილი".- ე. "სამშობლო", № 8, პარიზი, 1930.
2. ნ. ავალიშვილის მოგონებები (ხელნაწერი), 1989, ინახება სტაგიის ავტორის არქივში.

3. კ. ჩოლოყაშვილი. "ჩოლოყაშვილები".- ინტერნეტის ქართული ელექტრონული ჟურნალი "ბახტრიონი" (ფინეთი), <http://www.mamuli.net>.
4. რ. დიუგე. "მოსკოვი და წამებული საქართველო", ფრანგულიდან თარგმნეს მზია და აკაკი ბაქრაძეებმა, გამომცემლობა "ჯი-სი-აი", თბილისი, 1994.
5. Kakutsa Cholokashvili.- Internet Encyclopedia "Wikipedia", <http://en.wikipedia.org>.
6. პ. ნაცელიშვილი. "საქართველოს მიწა", თბილისი, 1994.
7. კ. სალია. "საქართველოს დამოუკიდებლობის კომიტეტი პირველი მსოფლიო ომის დროს".- ჟ. "ბედი ქართლისა", № 39-40, პარიზი, 1962.
8. ჟ. "სამშობლო", № 21-22, პარიზი, 1937.
9. გ. მაზნიაშვილი. "მოგონებანი", ბათუმი, 1990.
10. ალ. სულხანიშვილი. "ჩემი მოგონებანი", სან-ფრანცისკო, 1981.
11. ვ. თევზაძე. "განვლილი გზა".- ჟ. "იურია", № 32, პარიზი, 1988.
12. G. Gersamia. "Vasil Roinashvili (1879-1958)".- <http://www.photomuseum.org.ge>.
13. ე. ჩუბინიძე. "მოგონება", წიგნი მეორე, პარიზი, 1953.
14. "საქმე საქართველოს ანგისაბჭოთა პარტიების პარიტეტული კომიტეტის შესახებ (საბრალდებო დასკვნა)", გამოსაცემად მოამზადა ო. კალანდარიშვილმა, თბილისი, 1994.
15. სოლ. ზალდასტანიშვილი. "საქართველოს 1924 წლის ამბოხება", მიუნხენი, 1956.
16. გ. შარაძე. "ქაქუცა ჩოლოყაშვილი".- კრებულში "ქაქუცა ჩოლოყაშვილი", გამომცემლობა "მერანი", თბილისი, 1989.
17. ე. მაყაშვილი. "მეფიცული".- ჟ. "კაეკასიონი", XV, პარიზი, 1971.
18. ალ. ხ-ლი. "იუნკერის მოგონებები".- ქართველ იუნკერთა კავშირის ჟურნალი "მხედარი", № 2, პარიზი, 1929.
19. კ. ინასარიძე. "აგვისგოს აჯანყება".- ჟ. "კაეკასიონი", XXI, პარიზი, 1986.
20. ერიხ ობსტი. "საქართველო – გეოპოლიტიკური ნარკვევი".- ჟ. "კაეკასიონი", X, პარიზი, 1964.
21. შ. ამირეჯიბი. "მოხსენება, წაკითხული ბერლინის კოლონიაში 30 აგვისტოს 1940 წ.- კრებულში: "შალვა ამირეჯიბი", წიგნი მეორე, გამომცემლობა "დიოგენე", თბილისი, 1998.
22. ალ. კარგარეთელი. "ქაქუცა ჩოლოყაშვილი", პარიზი, 1981.
23. თ. ჯაპაჯა. "გაბნეული საუღავეები", პარიზი, 1970.
24. ჟ. "სამშობლო", № 8, პარიზი, 1930.



25. "ქაქუტა ჩოლოყაშვილის გარდაცვალების გამო".- ე. "დამოუკიდებელი საქართველო", № 56, პარიზი, 1930.
26. მისა ხელაშვილი. "ქაქუტა ჩოლოყაშვილს"- კრებულში: "ლექსი და ცხოვრება მისა ხელაშვილისა", გამოსცა ედიშერ გიორგაძემ, თბილისი, 1989.
27. ე. მაყაშვილი. "სისხლიანი ურცხვები"- ე. "კავკასიონი", X, პარიზი, 1964.
28. "ქაქუტა ჩოლოყაშვილის უკანასკნელი და მნიშვნელოვანი ბრძოლა საქართველოს დამოუკიდებლობის გზაზე"- გამ. "კოლოკერატორის მაინე", № 37, თბილისი, 1990.

*Levan Z. Urushadze*

# FOR THE BIOGRAPHY OF KAIKHOSRO (KAKUTSA) CHOLOKASHVILI

## Summary

The article is dedicated to the life and activity of the National Hero of Georgia, leader of the National – Liberation Movement of Georgia in 1921-1924, Colonel of the National Army of the Democratic Republic of Georgia (1918-1921), famous representative of the Georgian Political Emigration in France in 1924-1930, Prince Kaikhosro (Kakutsa) Cholokashvili (1888 – 1930).

The article is based on the data of the Georgian emigrant literature and other materials.

The work contains the following chapters: 1. Kakutsa Cholokashvili before the restoration of the state independence of Georgia and his serving in the army of the Tsarist Russia; 2. Kakutsa Cholokashvili in the years of Georgia's independence (1918-1921); 3. Kakutsa Cholokashvili – the leader of the National-Liberation Movement of 1921-1924; 4. Kakutsa Cholokashvili – the Political Emigrant (1924-1930).

The article is restricted in principle to ways of historical development of Georgia of 1910s-1920s. Presented in the paper are new data on this subject.

*Dr. Levan Z. Urushadze*  
*levzur@mail2scientist.com*